

سنه لکي در سعادت ایچون مجديه
یکرمی غروش حسابيله التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

قانون اساسی

آبونه اولمق ایستینلردا اثره عدلیه ده
اداره مخصوصه سنه مراجعت
ایتملیدر

اعلانانک بهرندن بر مجديه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

توضیحات

سلانیک ولایتی مرکز بدایت محکمه سی حقوق
دائرة سی رئیس فیصلتو فائق افندی به از میرپایه مجردی
توجیه بیورلمشدر.

تبلیغات

مغیسا اهل بسندن باقرچی یورکینک دیواری
هدم ایله قپوسنه مداخله ایدن مرقومک بابی چنانچی
اطناش علیه اقامه ایلدیکی دعوا به دائر جریان ایدن
محاکمه ده قپونک بیعه داخل اولمیدنی وباسند خاقانی
تصرف اولنان میعلک بر قسمنه و یا عمومیه متعلق
مخاصمانک استماعی ممنوع ایدوکی وهاچی قساره ایله
قسطی بیننده زراعت بانقه سنه بعدالترهین کرم غرس
اولنوب ترلا نامیله دائرة اجرادن اشترا اولنان باغک
بدل مزایده سنک اعاده سیله حاله سی طلبندن متحدث
دعوا به دائر تدریقات و محاکات اجراسنک عدم جوازی
حقننده در میان اولنان مدافعان دولای ممنوعیت
واقعنک بوکی مواده شمولی اولوب اولمیدننده تردد
ایدلیدیکی بیانیله استفسار معاملیه بی متضمن مغیسا
سینجانی بدایت محکمه سی ریاست اولاسندن وارد اولان
تحریرات اوزرینه ، سؤال اولنان مسائل انسانی محاکمه ده
طرفیندر میان اولنان ادعا و مدافعات متعلق اولوب بویه
محاکمه اقامه اولنورق در دست رؤیت و تدقیق بولنش
اولان دعاوی حقننده ایسه اداره بیان رأی و مطالعه به
مساغ قانونی اولمیدنی جهتنه کیفیتک رؤیت دعوا به
مأمور اولان محکمه به فصل ایدلسی لازم کله چکی
انجمن عدلیه افاده سیله جواباً ریاست مذکوره به
بیلدیرلمشدر.

محاکات و مقدمات

در سعادت استیفاف مدعی عمومیلکنده :
اولونیه دن باره فرار ایلدیکی ادعا سیله

مظنون علیه اولان جمیلک مدت معینه سی ظرفنده
عودت ایتسی حقننده کی اوامر حکومت
سنیه به اطاعت ایتماش اولدینی قومیسینون
مخصوصندن تنظیم اولنان مضبطه ایله حقننده اجرا
قلنان تحقیقات استنطاقیه اوراقی مندرجاتندن
اکلا شملعله اصول محاکات جزایه قانوننک مواد
مخصوصه سی احکامنه توفیقاً در سعادت جنایت
محکمه سننده محاکمه سی اجرا قلنمق اوزره عسکری
جزا قانوننامه هایوننک یوز اوتوز ایکنجی
ماده سی موجب جنایتله اتهامه قرار ویرلدیکندن
متهم مرقومک هر زرده کوریلور ایسه طو-
تیلوب محکمه مذکوره توقیفخانه سنه تسلیمی
لازم کله چکی بالجله ضابطه عدلیه مأمور لرینک
معلومی اولمق اوزره اشبو اخذ و گرفت
مذکره سی در سعادت هیئت اتهامیه سنندن
بالتنظیم اعطا قلندی.

اصول محاکات جزایه قانوننک اوچیوز
قرق یدنجی ماده سی حکمنه و نظارت جلیله
عدلیه نک امر تحریری قانوننسنه توفیقاً نقضی
حاوی محکمه تمیز جزا دائره سنندن اعطا قلنان
اعلامدر :

باش مدعی عمومیلک مأموریت بهیه سنندن مع
اوراق متفرعه محکمه تمیز جزا دائره سنه اعطا اولنان
ایکی بیسک یوز التمش بر نومرولی تبلیغنامه مطالعه
اولندی .

مندرجاتی قدس شریف بدایت محکمه سی جزا

دائرة سنندن خلاف قانون اوله رق ویرلمش اولان بعض
اعلامات و اوراق متفرعه سی بیروت و سوریه ولایتلری
عدلیه مفتشکنک ۴ کانون ثانی سنه ۳۱۵ تاریخ
واوتوز ایکی نومرولی تحریراتیله کوندولمکدن ناشی
اعلامات مذکوره دن غزه قضاسنک زرتوق قریه سنندن
یوسف بن احمدک قتلایله متهم اولان محمد بن الشریحی به دائر
اولان قراری حاوی ضبطنامه و متفرعاتی تدقیق اولندقد
بوابده جریان ایدن محاکمه ده متهم مرقوم ، یوسفک
مسلحاً زردینه کلدیکی کورمسیله بالتقرب طبانجه سنی
الندن الوب باقارکن قضاء آتش الهرق قتلنه سیبیت
ویردیکیکی بیان ایلش و مقتول ایله برلکده کلانلردن
خمیس بن سعیدک مرقوم یوسفک بلنده کی قانچی طو-
تدیی یولنده کی افاده مصبوطه سی یونلرک آره لرنده
برمنارعه ظهورینی کوسرتمش واستماع اولنان شاهدلردن
عبدالرحیم ایله طالب طرفلردن فعل قتلک وقوعندن
ایکی کون اول زوجه سیله مناسبت غیر مشروعه ده
بولدینی ذهابندن منبعث اوله رق یوسف ایله متهم
اراسنده منازعه و مضارب و قوعبولدینی و صکره مرقوم
یوسفک متهم طرفندن قتل اولدینی ایشدککری یولنده
وقوعبولان اخبارات قتلک اثر خطا اولمیدنی ارايه
ایلش ایکن اصل وقعه بی مشاهده ایتش اولان مرقوم
خمیس ایله خلیلک جلب واستماعلردن صرف نظر
اولنورق دلائل موجودیه قارشو اقامه اولنان ایکی
مدافعه شاهدینک افادانه بناء متهم مرقومک قتل
خطا جزاسیله محکومیتنه قرار ویرلدیکی اکلا شملعله
مغایر قانون اولان بوابده کی قرارک اصول محاکات
جزایه قانوننک اوچیوز قرق یدنجی ماده سنه و عدلیه
نظارت جلیله سنک الی بر نومرولی امر تحریر یسنه
توفیقاً نقضی لزومی اخباردن عبارتدر .

تدقیقات تمیزیه اجرا اولندقد شهوددن خمیس
و خلیلک محکمه به جلب واستماع اولناملری سیبیلحه حکم
مذکورک نقصانی تحقیقاته بنا اولدینی اکلا شملدیغندن
تبلیغنامه ده بیان اولنان اعتراض بجا اولوب سبب
مذکور نقضی موجب کورلمکله اصول محاکات جزایه
قانوننک اوچیوز قرق یدنجی ماده سی موجب جنجه قرار

مذکور کقضه واعلام خرجی اولان اکیوز غرو شک
تحصیلنه ۲۱ تشرین ثانی سنه ۳۱۶ تاریخده قرار
ویرلدی .

مکری قضاسنه تابع یقه باغ قریه سندن حیات
اوغلی خلیلک کیفیت قتلندن طولانی جنایتله اتهام اولنان
علی بن ولینک اون بش سنه مدته کورکه قوئلسنه دأر
منتشا سنجانی بدایت محکمه سی جزا دأره سندن
ویریلان اوتوز درت نومرولی اعلام محکمه تمیز جزا
دأره سنجه تصدیق اولمشدر .

مکرلی کریر اوغلی استاطک دکرمانی باصره رق
انبارینک کلیدی شکسته ذخیره سنی سرت ایتلرندن
طولانی جنایتله اتهام اولنان اوراق قریه لی قوجه
عمر بن علی و احمد بن موسی و احمد علی بن ابراهیم
نام اشخاصک اوچر سنه مدتله کورکه قوئلسنه دأر
منتشا سنجانی بدایت محکمه سی جزا دأره سندن
ویریلان ۳۰۵ نومرولی اعلام محکمه تمیز جزا
دأره سنجه تصدیق اولمشدر .

رزی سواری قوچلیسی دباغ اوغلی درویشی
قورشولنه قتل ایدن فراری اسماعیل وصاله انانی
قتله معاونت ایتسندن طولانی جنایتله اتهام اولنان
اشرفک اوچر سنه مدته کورکه قوئلسنه دأر بوزغاد
سنجانی بدایت محکمه سی جزا دأره سندن ویریلان
۴۵ نومرولی اعلام محکمه تمیز جزا دأره سنجه
تصدیق اولمشدر .

فیکه ناحیه سنه مربوط آلاقر اسکله سنده مقیم
قیریلی حسنی قتل ایلدیک ادعاسندن دولانی جنایتله
اتهام اولنان عرب عرک اون بش سنه مدته کورکه
قوئلسنه دأر تکه سنجانی بدایت محکمه سی جزا
دأره سندن ویریلان بوز سکان بر نومرولی اعلام
محکمه تمیز جزا دأره سنجه تصدیق اولمشدر .

اماسیه ناک رجب محله سندن ترزی علی اغا زاده
احمد قتل قصیده سلاح انداخت ایتسندن طولانی
جنایتله اتهام اولنان محمد بن عبداللهمک اوچر سنه مدته
کورکه قوئلسنه دأر اماسیه سنجانی بدایت محکمه سی
جزا دأره سندن ویریلان سکان درت نومرولی اعلام
محکمه تمیز جزا دأره سنجه تصدیق اولمشدر .

جقاروز جفتلکی مستأجری سلام کهیانک
کیفیت قتلندن دولانی جنایتله اتهام اولنان
ابراهیمک اون بش سنه مدته کورکه قوئلسنه دأر
خداوندکار ولایتی استیناف محکمه سی جزا دأره سندن

ویریلان اکیوز یکرمی درت نومرولی اعلام محکمه
تمیز جزا دأره سنجه تصدیق اولمشدر .

۱۵۴ نومرولی نسخه ده مندوج در سعادت
جنایت محکمه سی اعلامنک مابعدی :

ایکینجی قسم ، مته مصطفانک باشا قریه سی
اهالی سندن یانی ولد یورکینک قولاغی قطع ایدرک
تعطیل عضو سینه سبیت ورمسی وعلی بکی مارتین
تفکی قورشونیه یارمقدن جرح و واسیل قالفه
واتمکچی یانی ولد طناش واستانقو اوغلی یورکینک
بالتهدید آخه لرخی اخذ و حاجی مصطفائی تهدید
و قتل قصیده جرح وولی چاوشی کذلک قتل قصیده
جرح ایلسی و فراری ولی چاوشک دخی مته مرقوم
مصطفائی ینه قتل قصیده جرح ایتش اولمشدر .

برکیجه حاجی یانینک میخانه سنده مته مصطفانک
بیخاقه یانی ولد یورکینک قولاغی کسدیکنی کوردکری
استاع اولنان شاهدلردن ژاندارمه سوارسی رفت
و عمر اغارایه حاجی یانی طرفلردن مع القسم اخبار
ویانینک معاینه سنده دأر راپورده ایم سیوان اذینک
صالحه سیواندن ماعدا قسمی سقوط ایتش و بوده
الت قاطعه ایله حصوله کش اولدینی و حسن سمع
موجود بولدینی اشعار قلم سینه وینه شاهدلردن
پولیس اسحق افندی و رزی قوچلیسی احمد بن
عزیزک بیدک استایوننده مته مصطفانک یاننده
برقادین اولدینی وعلی بکک النده روولور بولدینی
و متهک علی بکه الی باطلاری رینه قوی دیدیکنی
حاله علی بکک طبایحی رینه قوییه رق مصطفایه
طوغر ایتدینی زمان مته مصطفانک علی بکه آتش
ایتدیکنی کوردکری قسمله تذکار ایتدیکاری کی
علی بکک معاینه سی حاوی راپورده دخی ایسر بیدیک
اشارت اصابعنک قاعده سندن جنب انس اصابعدن
ظهر اصابعک وسطه طوغری الت ناریه ایله حصوله
کله واسع و غیر منتظم و کمر عظم ایله مترافق بر
جریحه مشاهده ایدیلوب اصابع مذکورده معلولیت
حاصل اولمش و جرحه ایسه کیر برمرمیدن حصوله
کش اولدینی ازار ایدلسنه و قال هاجی یانی ولد
طناش و ژاندارمه سواریلردن عثمان افندی و پانده لی
جورباچینک مته مصطفانک واسیلک دکان سنده بعض
ضرر ابراث ایتدیکنی سولیلرله کیدوب باقدقلرند
دکان قیوسنک قورشون ایله دلش و زیتون یاغی
کونک قیرلش و بعض ارزاقک طغامش اولدینی
و خیرکار بانچونکده اوسته سی اتمکچی یانی ایله دکانده
باتمده ایکن مته مصطفانک سلاح آنه رق دکانه
کلدکن و طوانه برال سلاح آندقدن و آرقداشاریه
عشرت ایتدکن صکره اوسته سندن لیرانک اوست

طرفی طلب ایله الدینی حالد لیرانی و برمه رک کیتدیکنی
وینه برکیجه مته مصطفی مقدجه چالشمه مقد اولدینی
استانقو اوغلی یورکینک دکانه بالورود عشرت ایدرک
لیرانک اوست طرفی آتش ایکن لیرانی و برمیوب
کیتش اولدینی و تللی مصطفی و مهریه و امیه خاتملرک
دخی مته مصطفانک حاجی مصطفائی توقات ایله ضرب
ایتدیکنی مشاهده ایلدیکری مع ایتین خبر و برملرینه
و مشاهده حاجی شکریک زوجیه سی زهر خاتملک
مته مصطفانک زوجیه سنک قوجه سی اوریلر دیو
فریاد ایتسیه باقدیغه ولی چاوشک ای دفعه مصطفانک
آرق سندن تفنک آتوب اوردینی کوردیکنی و بلبل استاو
رینک دخی برکون بیدک استایون جوارنده ایکن التفک
سی ایشیدوب باقدیغه مته مصطفانک النده روولور
اولدینی حالد النده چفته تفنک ایله قاجقده اولان
ولی چاوشه طور قاجه باق نصل آدم اوریلر دیکده
اولدینی و طناشک دخی ایشیدیکنی بر قاج سلاح
سی اوزرینه باقدیغه مته مصطفانک تفنک ایله
بی اوره رق زویه قاجیورسک دیدیکنی و ولی چاوشک
دخی شمدوفر خطندن قوشه رق کیتدیکنی مشاهده
ایتش اولدینی و بیولک حسین بن مصطفانک برکون
زیتونلکر آره سنده یاننده تفنک اوله رق بکزی
صرارمش اولدینی حالد ولی چاوشک او طور مقده
اولدینی کورمکه سؤالنده مرقومک سیوری اوغلی
مصطفایه اوچر ال سلاح آتدینی و مصطفاده کندوسی
اوردینی سولیلرکی و ولینک صول اوموزده قورشون
دلیک کوردیکنی و حسن افندی ابن حاجی احمد و احمد
بن اسحق و فتح اوغلی حسینک دخی ولی چاوشک
کندوسی مصطفایه تفنک آتسیه مصطفاده کندوسی
اوردینی بیان ایلدیکنی مع القسم سولیلرینه و ولی
چاوشک معاینه سنده دأر راپورده صول ناحیه کتفیه سی
و سطلک اوموزنه قریب محلده بر آلت ناریه دن
انداخت اولنان قورشون مریم سیله حاصل بر یحق
سایترو طولنده بر عدد قجه دخولیه و مته
مصطفانک معاینه سی حاوی راپورده ده ناحیه ققویه
سند بدا ایله تاناحیه قطنیه سنه قدرباشنده وصاغ و صول
کنفلی اوزرندینی بتون ظهرنده جعاً اوتوزی متجاوز
بر آلت ناریه دن انداخت و اتمش صاچه دانه لری جریحه
لری کوردیکنی اشعار اولمشه و بوضو صالک مدافعاته
کلتجه ژاندارمه عمر و رفت اغارک مته مصطفانک
کندولرینه تشهر سلاح ایلدیکنه دأر بر ادا ده
بولناملرینه وعلی بکک مته مصطفایه قتل مقصدیه
سلاح تشهر و استعمال ایتدیکنی حقدنه قناعت وجدانیه
حاصل اوله مامسی جهته مته مصطفانک علی بکی
بالمقابله جرح ایتدی دنیه میه جکمه مته مصطفانک
علی بک حقدنه کی تاویلاتی ویانینک قولاغنک قطعی

و واسیل قالفه و اتمکچی یانی ولد طناش واستانقو
اوغلی یورکینک بالتهدید آخه لرخی اخذ ایتدیکنه دأر
مقاتلای و مدعی عمومی معاوننک واسیل قالفه ایله
اتمکچی یانینک آخه سنک اخذ و غصبندن طولانی مته
مصطفانک بر آتیه و ولی چاوشک عادى جارح اولدینه
قرار اعطاسنه دأر مدعیائی و مدافعه وکیلرینک
مته مصطفانک علی بکک جرحندن طولانی معذوریتی
ویانینک قولاغنک قطعی و واسیل قالفه و یانی و یورکینک
آخه لرینک اخذی ماده لرندن بر آتی متضمن مدافعاتی
مردود و آتیق مته مصطفانک حاجی مصطفائی
تهدید و قتل قصیده جرح و ولی چاوشی کذلک قتل
قصیده جرح ایلدیکنی حقدنه اسباب ثبوتیه مفقود
اولغه مته مصطفانک یانی ولد یورکینک قولاغی قطع
ایله تعطیل عضو سینه سبیت ویردیکنی وعلی بکی قتل
قصیده جرح و واسیل قالفه و اتمکچی یانی و واستانقو
اوغلی یورکینک بالتهدید آخه لرخی اخذ و حاجی
مصطفائی ضرب و ولی چاوشی بالمقابله جرح ایلدیکنی
و دیگر مته فراری ولی چاوشک دخی مته مصطفائی
قتل قصیده و تفنک صاچه سیله جرح ایتدیکنی ثابتدر .

اوچنجی قسم ، مته مصطفانک ولی صالح و مصطفی
چاوش و چاقر حسنک حیوانلرخی اخذ و غصب ایتدی
و پناط و ولد خرملی تهدید ایلسی و واسیلک مخدومی
قوجونک و فاته سبیت ورمسی و یورکی ولد واسیه
فعل شیع اجراسنه تصدی و یورکی ولد صوتیری
و بلاش و خرستو و باولی و قسطنی و مانول کهیانک
خرستو و واسیل ولد ایلیا و باندی ولد مارقونک
چراغی خرستوی ضرب و جرح ایتش اولسی ماده
لرندن عبارتدر . مرقوم مصطفانک بناط و ولد خرملک
دکانه کیروب مرقومی تهدید و بلاش و باولی و قسطنی
و مانول کهیانک خرستوی ضرب ایلدیکنی برر شاهد
افاده سنده قالدینی کی ولی صالح و مصطفی چاوش
و چاقر حسنک حیوانی صاتون آلدینی اکلا شمش
و واسیلک اوغلی قوجونک و فاته سبیت ویردیکنی
و یورکی ولد واسیه فعل شیع اجراسنه تصدی ایلدیکنی
و یورکی ولد صوتیری و خرستو و واسیل ولد ایلیا
و باندی ولد مارقونک چراغی خرستوی ضرب و جرح
ایتدیکنی حقدنه موجود اولان احوال حکم ایچون
درجه کفایه کوریه مامشدر .

(مابعدی صکره)

قاضی کوبنده قورلعه لی درده ساکن بولندقلری
آخورد و برادری عثمانی جرح و قتل ایتدیکنی ادعاسیه
مته بولان محمد حقدنه اجرا قتلان محاکمه نتیجه سنده
مرقومک بالتهدید قتله جرأتی کندوسنک اقراریه
شاهدلرک شهادتندن متحصل دلائل و امارات و معاینه

راپوری مندرجاتیه ثابت اولدیفندن مجرمینه و قانون
جزانک بوز یش دردنی ماده سنک فقره اولاسی
حکمه توفیقاً اون بش سنه مدته کورکه قوئلسنه
۲۹ مارت سنه ۳۱۹ تاریخده محکمه جنایتجه قرار
ویرلشدر .

امته اجنبیه کرکی جوارنده برادری احمدی
جرح و قتل ایلدیکنی ادعاسیه مته بولان موشل حال
علی بن مالمک اجرا قتلان محاکمه سی نتیجه سنده
مرقومک بر آله حق مثله سندن دولانی مازعه ایدرک
بالتهدید برادری احمدی بیخاقه جرح و قتل ایلدیکنی
کندوسنک اقرار مضبوطی و شاهدلرک علی الدرجات
واقع اولان شهادتی و معاینه راپوری مندرجاتی ایله
ثابت اولدیفندن اول وجهه مجرمینه و قانون جزانک
بوز یش دردنی ماده سنک فقره اولاسی حکمه
توفیقاً اون بش سنه مدته کورکه قوئلسنه
۳۱ مارت سنه ۳۱۹ تاریخده محکمه جنایتجه قرار
ویرلشدر .

ویرزینک مع قورودن ساعتی سرت ایلدیکنی
ثابت اولان غلطه ده بر هوتله غارصون طناشک
اوچر آی حبسه
ایتالیای قایتیه جرح ایدن قاسم باشلی میخاک بر
هفته حبسیله برابر مرقومدن بر لیرا آله رق من بوریه
ویرلشنه
سرویتور اقالیه تشهر سلاح ایدن طوخناده
ساکن صندالچی الیاسک اون کون حبسنه
حق دخولی اولدینی حالد الی مرمرلی لطفیه
خاتملک خانه سنه کیردیک نظیره و نوبر خاتله دخی
اطاله لسان ایلدیکنی ثابت اولان مصطفی افندیک اون
کون حبسنه

مضارب ایلدیکری ثابت اولان اسماعیلک اون
قهوه سی مرآتک برهفته مدتلرله حبسارینه
قوندره بواجیسی حسین بن مصطفانک اکیلی علی بی
و جمال عثمانی ضرب ایلدیکنی ثابت اولدیفندن اون کون
حبسنه
طوخناده قهوه سی علی رضایه اطاله لسان ایدن
بوسنه لی حسین بن حسنندن برلیرا جزای نقدی اخذینه
عرب جامع شریفی جوارنده ساکن حاجی علینک
اون الی عثمانی لیراسیه یارم فرانسر آتوتی سرت
ایتدیکنی ثابت اولان ساقزلی خرستو ولد یانینک اوچ
ماه حبسنه و ختام مدتنده کفاله ربطه و مسروق
آخه نک مدعی مرقومه اعطاسنه
یورکی ضرب و جرح ایتدیکنی اکلا شیلان الما
طاغنده ساکن جیل بن احمدک برهفته حبسنه

لوقاطه سی یانی اخافه قصیده ضرب ایدن
محمود نجیب بکک اون ایکی کون حبسنه

میخانه سی واسیه اخافه قصیده تشهر سلاح
ایلدیکنی ثابت اولان اودونجی اسماعیلک برهفته حبسنه
آشچی اصنافدن اوستربلی مدلی ضرب ایدن
استانبوله صوفیلر محله سنده ساکن اسماعیلدن برلیرا
آله رق مضروب ویرلشنه

ترسانه عامر عمله سندن طورسون ایله زوجیه سی
زهرانک آراهی حسینک زوجیه سی خوا قادیسنه
اطاله لسان ایلدیکری ثابت اولدیفندن زهرادن بر
آلتون جزای نقدی آتسینه و طورسونک بش کون
حبسنه

یکدیکری ضرب ایدن آلاجه حمام جوارنده
مانیقا طوره سی یانی ولد نیقوله ایله آندون ولد دیمترینک
برهفته حبسارینه

قوجه مصطفی باشلی اسماعیل زهدی افندی بی
ضرب و مومی اله اطاله لسان ایدن خسرو افندی دن
بر یحق آلتون آله رق مضروب ویرلشنه

یکدیکری ضرب ایدن توفیق بن محرم و حلواجی
محمد اوسته و نیکه لی لامبو ولد بدوس و قهوه سی
آنداوالی اوغلی مینا ولد یاقونک برهفته حبسارینه
بر بر نیقولی ولد سراندرنک برر استاوری بی
جرح ایلدیکنی ثابت اولدیفندن ایکی آی حبسنه و مصارف
جراحیه اولمی اوزره تقدیر ایدیلان یوزالی غرو شک
دخی تحصیلنه

قسطنطینک اورانیه بی تزوج ایتک و عدلیه ساخته
سند تنظیم ایدرک بوز اون لیرانی طولاندیردینی
ثابت اولدیفندن بر یحق سنه مدته حبسنه و اوتوزلیرا
جزای نقدی اخذینه و طولاندیرمش اولدینی مبلغ
مذکورک دخی تحصیلنه

محمدک لوقه بی جرح ایلدیکنی ثابت اولدیفندن ایکی
آی حبسنه

میخاکک ارمی قتلک کلسامی صدقه قوطوسندن
آخه سرت ایلدیکنی اقراریه ثابت اولدیفندن بش
آی حبسنه و ختام مدتنده ضابطه جه کفاله ربطه
لطیف بکک خدمتکاری فهمی بن حسنک پولیس
عثمان نوری افندی بی ضرب ایلدیکنی ثابت اولدیفندن
اون کون حبسنه

بروسه لی احمد و خدیجه نک نام آخزه اولان مرور
تذکره سیله استانبوله کلدکاری ثابت اولدیفندن بشر
بشک جزای نقدی اخذینه

کوش قاسم سرت ایدن رأفک اوچر آی حبسنه
و ختام مدتنده ضابطه جه کفاله ربطه

حسنی ضرب ایدن فری قریه سنده ساکن سزواتچی
شوقی بن نظیفدن بر لیرا آله رق مضروب ویرلشنه

شكر جي محمدك تپسيني سرت ايدن محمدو حسين
ورجيك صغرسنلري حسييله قرقجي ماده قانونيه يه توفيقاً
كفالته ربطيله ابوينلرينه تسليمه
ملا كوراني محله سنده ساكن چادر جي مصطفىا
اطاله لسان ايدن حسام الدين افندين يارم آلتون
جزای نقدي آلتونه

قوميسر توفيق افنديك حسن نام كمنه يي اجراي
وظيفه حالده ضرب ايلديكي نابت اولديغندن بر آي حبسه
قولتو قجي علي بي جرح ايدن قزانقلي عليك
بر آي حبسه

پوليس اسماعيل افندي يه اجراي وظيفه حالده
اطاله لسان ايدن فضيلدين برليرا جزای نقدي آلتونه
مرقلملي يوركي يي ضرب ايدن بايزيد زقاغنده
ساكن اوستريا دولتي تبعه سندن مارقونك برهفته حبسه
پوليس حاجي سعيد افندي يي اجراي وظيفه
حالده ضرب و جرح ايدن فاتحده سبزه جي حسين
بن خليلك برسنه حبسه

اسكدارده اونچيلرده ساكن حسنك مجروحيتنه
سبيت ورن آرابه جي رمضانك برهفته حبسه
واجرت جراحيه اوله رق تقدير ايديلان ايكيوز
غروشك مرقومدن تحصيله

قاسم پاشاده اوستره جي نيغولي يي ضرب ايدن
طاشجي احمددن برليرا آلتورق مضروبه و يرلمسه
خلاف تنبيه عقسد اجرا ايلديكي ثابت اولان
قولاقسز محله سي مؤذني حافظ مصطفى افنديدن
بش بشلج جزای نقدي آلتونه

احمدی ضرب ايدن غلطه ده آشي احمد اوسته دن
برليرا آلتورق مضروبه و يرلمسه

اسراي زنجيه دن اولديني نين ايدن مسرت برقطعه
عتقنامه اعطاسه

خبره جي يقوشنده ساكن ياني ولد مانولك
آندريقوي ضرب ايلديكي ثابت اولديغندن برهفته
حبسه

مضاربه ايتدكاري ثابت اولان بلاطده ساكن
محمد و خالدك برهفته حبسلرينه

فرانسه دولتي تبعه سندن شارلوي ضرب ايدن
طبله كار آورامدن برليرا آلتورق مضروبه و يرلمسه
درسعادت ، بك اوغلي واسكدار بدایت محكمه لری جزا
دايره لرنبه قرار و يرلمشدر.

مُحَامَلَاتُ اِنْدِيَا هِيَه

تكوش قضاسي بدایت محكمه سي مدعي عمومي
معاوني وكيلى سابق پوليس قوميسري حق افنديك

خلاف نظام حرکت ايتديكي سلانيك ولايتي استيفان
محكمه سي مدعي عمومي لکندن کوندريلان اوراق تحقيقه
مندرجانندن اكلاشلمغله مومي اليك محاکمه آلتنه آلتونه
مأذونيت و يريله رك مذکور مدعي عمومي لک تبيغيات
لازمه اجرا ايدلمشدر.

اِخْلَانَات

درسعادت استيفان مدعي عمومي لکندن :

باغجي تاتار عثمانك كيفيت جرح و قتلدن طولاني
متم اولوب فرارده بولان اورته بويلي اسمربكزلي
تربيقلي و الزك اوزرنده متسالك جسامتمده سيياه
لكه بولسان يكرمي ياشلرنده وارنللي علي حقنده
اصول محاكات جزائي قانونك اوچيوز يتمش برنجي
ماده سي موجبجه معامله مقتضيه ايضا و محاکمه علنيه
غيابيه سي بالاجرا نتيجه سنده قانون جزانك يوز
يتمشنچي ماده سي حكمنه توفيقاً مرقومك اعدامه
واوتوز برنجي ماده قانونيه منطوقجه حقوق مدنيه دن
اسقاط قلمسسه و مقدما اعلان ايديلان قرار نامه
وجهله اموالك اداره ايتديرلمسسه محكمه جنائندن
حكم اولمش و اصول محاكات جزائي قانونك اوچيوز
يتمش سكرنجي و اوچيوز سكران برنجي ماده لريله مواد
سائرده سي احكامنه توفيق معامله اولمشي مرجعه
بيديرلمش اولمغله مذکور اوچيوز يتمش سكرنجي
مادهك جمله احكامندن اولديني اوزره اعلان كيفيته
ابتدار قلندي.

بك ارغلي بدایت محكمه سي اجرا دائره سنده :

صوفيه قادينك متوفي ديمتري آپوستوليدی
زوجه سي تارسيجه و كرىملى اوبه نيا و انكليكي قادينلر
ايله مخدومي آپوستول ذمتلرنده با اعلام محكوم به
آلاجنی اولان معلوم المقدار مبالغك تأمين استيفاسي
ضمننده پدرلري متوفای مرقومدن ارثاً انتقال ايدن
بلاطده حاجي عيسى محله سنده چيقيماز آيوالي زقاغنده
حاجي ابراهيم اغا و قفندن اون ايكي نومرولي تخميناً
طقسان ذراع عرصه اوزرينه مبنی بش اوطه و بر مطبخ
و مشترك قيوبي حاوی و شهرى يوزاون بش غروش بدل
ابجاره متحمل معلوم الحدود اخشاب برباب خانه كك بك
اوغلي بدایت محكمه سي رياست اولاسي جانبندن اعطا
قلنان قراره توفيقاً حجز ايدلمش اولمغله تاريخ اعلاندن
اعتباراً اون بش كون صكره بالمازايده فروخته تشبث
اوله جني محكمه مذكوره اجرا مأموريتي جانبندن
اعلان اولتور.

سورنيك ولايتي مركز تجارت محكمه سنده :

معاملات افلاسيه سي در دست تدقيق بولنان مفلس
آورامروپنك ذمتده آله جني اولانلرك تاريخ اعلاندن
اعتباراً يكرمي كون ظرفنده بهر بازار و صالى كونلري
محكمه تجارتده ماسه مأمورلرينه مراجعتله آله جقلملري
قيد ايتديرملري و خلافتده قانوننامه تجارتك اونجی
ماده سي احكامي اجرا اولنه جني اعلان اولتور.

شهر قضاسي بدایت محكمه سي اجرا دائره سنده :

قندره قضاسك اوچيوز اون سكرسنه سي ملتزمي
شيله نك ارنلر مزارلني قريه سي اهالي سندن افندي
اوغلي محمد اغانك ديون عموميه اداره سنده اولان
بورجكك تأمين استيفاسي ضمننده حجز اولنان شيله
قصبه سنده محكمه جاده سنده كان نصف خانه كك درت حصه
اعتباريله اوج حصه نك و مذکور ارنلر مزارلني
قريه سنده واقع ايكي قطعه ترانك تاريخ اعلاندن
اعتباراً اون بش كون صكره بالمازايده فروخته تشبث
اولنه جني شيله قضاسي بدایت محكمه سي اجرا دائره سندن
اعلان اولتور.

نوشهر قضاسي بدایت محكمه سي اجرا دائره سنده :

كاتب زاده متوفي عمر افنديك نوشهر ملغادعاوي
مجلسندن اعطا قلمش اولان ۹ كانون ثاني سنه ۱۲۹۳
تاريخ و ۶۸ نومرولي اعلام موجبجه تحصيلدار
متوفي اوزون يوردان ذمتده محكوم به الاجني اولان
مبالغ معلومه كك تأمين استيفاسي ضمننده مديون
متوفای مرقوم يوردانك نوشهرده واقع درت قطعه
اموال غير منقوله سي بوندن اقدام مزايده و يريله رك
طالبلري اوزرنده تقرر ايتمش و قرار داده موقتلرينك
كشیده اوله جغه دائر متوفای مرقومك ورته لرینه
تبليغي اقتضا ايدن اخبار نامه تنظيم و تسيار اولمش
و ورته نك جمله سيده درسعادتده اولدقلى خبر النمش
ايسه ده محل اقامتلري بيله ماش اولديغندن اجرا
قانوننامه سنك يكرمي طقوزنجي ماده سي موجبجه
تاريخ اعلاندن اعتباراً طقسان بركون ظرفنده اثبات
وجود ايتدكاري تقديرده ايفاي ديندن امتناع ايتمش
عد اولنه رق ذكر اولسان غير منقولاتك طالبلرينه
احاله قطعيه لرينك اجرا سييله ائمانندن تسويه دين
اولنه جني نوشهر قضاسي بدایت محكمه سي اجرا دائره سندن
اعلان اولتور.